

## يا معجزة !!

بقلم الأستاذ : مصطفى اليوسفى

عضو مجلس ادارة رابطة الزجالين

دماغ واموال ثلاثين حول  
مالك ما تنطق . يا ابو الهول  
دى الحرب نادت ع الناييمين  
وعشان عيون اهل فلسطين  
ولا انت عاجب دول ولا دول  
ليه السكات ليه . الكتمان !!  
جربوا وسابوها وشالوا العطين  
المصرى داق مر . وحرمان

\* \* \*

جانا الغريب واستقبلناه  
ومن طمـامنا . وكلناه  
عادينا لاجله دول وشعوب  
كان الجزاء لنا ضرب الطوب  
وطاف ديارنا وسكناه  
وخد فى برنا كل امان  
وخضنا لجله كل حروب  
والجحد لا غير . والنكران

\* \* \*

تلاتين سنه تنزف اموال  
قرب يضيع منا الرسمال  
قلنا الغريب يكرم خليه  
والمسكرى المصرى نضحيه  
من دماغ ستات ورجال  
لولا التعقل والايمان  
يمكن نعوزه ويتمر فيه  
ونشيل على دماغنا الخسران

\* \* \*

خرجت جيوش المصريين  
وفى الجهاد دا قضينا سنين  
تفقد رجال وشباب ملايين  
والاخ متمسلطن نشوان

بين الدول داير مسعود  
ياخد معزه ويدى وعود  
وحجته لبلاده يعود  
مطرح ما يمشى يلاقى حنان

\* \* \*

م الحمر خد اموال وسلاح  
معلقينه مع الأشباح  
عشان ما يقفلش الريح  
لا آدمى حصل ولا جان

\* \* \*

شلة سماره ومنتفعين  
وقت الحروب يعملوا نايمين  
بالشكل ده بسلامته سعيد  
عايز العروبه بناره تقييد  
على الرخيص دايم عايشين  
وفى السلام يوم او غربان  
يشعل فتيلها وهوا بعيد  
وان شالله ما اتفضل انسان

\* \* \*

لا والاكاده كمان اذاعات  
سياسه مغرضه وانتفاعات  
خلى العرب ماداقوش النوم  
رباوا الحزام واعتادوا الصوم  
تعطف عليه بالست سامات  
ومن وراها لهيب ونيران  
تلاتين سنة يوم من ورا يوم  
وهوا فى الكباريه سهران

\* \* \*

مصر استعدت يوم معلوم  
تاخذ بتارها من المشؤم  
اصبحنا تحت الشمس سادات  
والناس تقول تشكر ياسادات  
وف ستة اكتوبر لتقوم  
وقد حصل وعرفنا ما كان  
اصحاب تقدم واقتصادات  
يا معجزة ف عصر الطفيان

\* \* \*

جمع العمالقه مع الاقزام  
وقال لهم تكلف كام  
من العرب خبرا وحكام  
لو قمنا بيها ف اوان

\* \* \*

نضربها ضربه لاسرائيل  
حسبوا دوغرى بدون تأجيل  
عشان نفض القال والقييل  
طلع الحساب فوق الحسابان